



Broj: 02-45-00655/24-8
Datum: 23.05.2024.godine

Na osnovu člana 70. i člana 72. stav (3) tačka a) Zakona o javnim nabavkama ("Službeni glasnik BiH" broj:39/14 i 59/22), Općinski načelnik d o n o s i

ODLUKU

o izboru drugorangiranog ponuđača za nabavku radova Izvođenje radova po Programu izgradnje objekata komunalne infrastrukture za 2024. godinu LOT 1 - Rekonstrukcija dijela tribina na stadionu FK Radnik

I

Djelimično se poništava Odluka o izboru najpovoljnijeg ponuđača broj:02-45-00655/24-6 od 14.05.2024.godine za nabavku radova – Izvođenje radova po Programu izgradnje objekata komunalne infrastrukture za 2024.godinu, u dijelu koji se odnosi na dodjelu ugovora za LOT 1 – Rekonstrukcija dijela tribina na stadionu FK Radnik, u kojem je Ugovor za izvođenje radova po LOT 1 dodijeljen ponuđaču "STRUKTURA"d.o.o. Jajce, Skela bb, 70101 Jajce, za ponuđenu cijenu nakon e-Aukcije u iznosu od 51.000,00 KM bez PDV-a, odnosno 59.670,00 KM sa PDV-om.

II

Ugovor za javnu nabavku radova - Izvođenje radova po Programu izgradnje objekata komunalne infrastrukture za 2024. godinu, LOT 1 - Rekonstrukcija dijela tribina na stadionu FK Radnik, **dodjeljuje se** "ĐOGIĆ"d.o.o. Prozor-Rama, Magistrala bb, 88440 Prozor-Rama, kao drugorangiranom ponuđaču, za ponuđenu cijenu nakon e-Aukcije u iznosu od 52.000,00 KM bez PDV-a odnosno 60.840,00 KM sa PDV-om.

III

Izabrani drugorangirani ponuđač je dužan dostaviti dokaze o kvalificiranosti iz člana 45. i 47. Zakona o javnim nabavkama u roku od 5 (pet) dana od dana nakon što bude obaviješten od strane ugovornog organa o rezultatima postupka javne nabavke.

Ukoliko izabrani ponuđač ne dostavi traženu dokumentaciju u određenom roku ili je dostavi na nepropisan i nepotpun način, postupak javne nabavke radova za LOT 1 - Rekonstrukcija dijela tribina na stadionu FK Radnik će biti poništen u skladu sa odredbama Zakona o javnim nabavkama.

IV

Primjerak ugovora dostavit će se odabranom drugorangiranom ponuđaču nakon dostavljanja dokumentacije iz člana III ove Odluke, najdalje u roku od 15 dana od dana kada su svi ponuđači obaviješteni o izboru napovoljnijeg ponuđača.

V

Zadužuje se Služba za prostorno uređenje, katastar i imovinsko-pravne poslove, da u suradnji sa Službom za poslove općinskog vijeća i općinskog načelnika poduzme aktivnosti vezano za realizaciju ove odluke.

VI

Odluka stupa na snagu danom donošenja iste, a bit će objavljena na službenoj web-stranici općine Donji vakuf www.donji-vakuf.ba i dostavljena svim ponuđačima koji su učestvovali u postupku javne nabavke.

O b r a z l o ž e n j e

Dana 28.03.2024.godine Općinski načelnik je svojom odlukom broj:02-45-00655/24, pokrenuo postupak javne nabavke radova - Izvođenje radova po Programu izgradnje objekata komunalne infrastrukture za 2024. godinu. Procijenjena vrijednost javne nabavke je 349.795,00 KM bez PDV-a. Javna nabavka izvršena je u skladu sa članom 14. Stav 4. Zakona o javnim nabavkama putem otvorenog postupka podjelom na 3 (tri) LOT-a (LOT 1 – Rekonstrukcija dijela tribina na stadionu FK Radnik, LOT 2 – Izgradnja AB potpornih zidova na prvoj dionici lokalnog puta Oborci-Šeherdžik, LOT 3 _ Rekonstrukcija propusta na potoku kod Doma kulture u Donjem Vakufu), te je obavijest o javnoj nabavci proslijeđena na portal javnih nabavki i objavljena pod brojem: 1344-1-3-14-3-6/24 od 03.04.2024.godine i objavljena u Službenom glasniku BiH broj: 24/24 od 05.04.2024.godine.

Odlukom o izboru najpovoljnijeg ponuđača broj: 02-45-00655/24-6 od 14.05.2024.godine ugovor za sva tri LOT-a dodijeljen je ponuđaču "STRUKTURA" d.o.o. Jajce, Skela bb, 70101 Jajce.

Predmetnu Odluku izabrani ponuđač "STRUKTURA" d.o.o. Jajce je zaprimio dana 16.05.2024.godine, te je bio dužan da u roku od 5 (pet) dana od dana prijema odluke dostavi dokumentaciju iz čl. 45. i 47. Zakona o javnim nabavkama.

Dana 20.05.2024.godine, izabrani ponuđač "STRUKTURA" d.o.o. Jajce je dostavio dokumentaciju iz čl. 45. i 47. Zakona o javnim nabavkama za LOT 2- Izgradnja AB potpornih zidova na prvoj dionici lokalnog puta Oborci-Šeherdžik i LOT 3 - Rekonstrukcija propusta na potoku kod Doma kulture u Donjem Vakufu, ali je propustio da dostavi predmetnu dokumentaciju za LOT 1 - Rekonstrukcija dijela tribina na stadionu FK Radnik.

Članom 72. Stav (3) tačka a) Zakona o javnim nabavkama ("Službeni glasnik BiH" broj:39/14 i 59/22) propisano je da ugovorni organ dostavlja prijedlog ugovora onom ponuđaču čija je ponuda po rang- listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz čl. 45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ.

U skladu sa navedenom zakonskom odredbom Ugovorni organ je dodijelio ugovor za LOT 1 - Rekonstrukcija dijela tribina na stadionu FK Radnik, drugorangiranom ponuđaču "ĐOGIĆ"d.o.o. Prozor-Rama, Magistrala bb, 88440 Prozor-Rama, sa ponuđenom cijenom u iznosu od 52.000,00 KM bez PDV-a odnosno 60.840,00 KM sa PDV-om, čija je ponuda druga po rang listi nakon održane e-Aukcije.

Imajući u vidu sve navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema ove Odluke. Žalba se podnosi u pisanoj formi ugovornom organu u dovoljnom broju primjereka, a koji ne smije biti manji od tri.

Dostaviti:

- 1) "STRUKTURA" d.o.o. Jajce, Skela bb, 70101 Jajce
- 2) "ĐOGIĆ" d.o.o Prozor-Rama, Magistrala bb, 88440 Prozor-Rama
- 3) U spis

